



UNIVERSITÄTS-
BIBLIOTHEK
PADERBORN

Hortulus Biblico-Moralis Et Asceticus


Pappus von Tratzberg, Franz

Ulm, 1725

Doctrina 1. Desumpta ex cap. 12. & 13. lib. 1. Machabæorum, in quo
describitur: fœdus & amicitia Judæorum cum Romanis & Spartanis
renovata. Tryphonis simulata amicitia & inde orta Jonathæ ...

[urn:nbn:de:hbz:466:1-61252](#)

adjuti, in prosperis beneficii obliviscuntur accepti, se gerentes instar Demetrii, Judæis (ut testatur cap. 11.) ingratissimi.



FASCICULUS LXIX.

Doctrinarum Moralium & Asceticarum.

Doctrina I.

Desumpta ex cap. 12. & 13. lib. I. Machabaorum, in quo describitur: sœdus & amicitia Judæorum cum Romanis & Spartanis renovata. Tryphonius simulata amicitia & inde oria Jonathæ captivitas, obsides Tryphonii missi, occisi.

Considera: **M**iram veræ & falsæ amicitiæ antithesin, quam caput N. 424.

M duodecimum hic exponit. Vera amicitia florebat Romanos inter & Judæos, utpote talis, quæ (licet plurima fluxerint tempora, durantibus quibus litterale colloquium inter illas Gentes cessaverat) illa tamen nequaquam inde deleta est. Quare S. Ambros. de vera amicitia loquens lib. Ost. ait: *amicitia, qua definere potuit, nunquam fuit vera.* Giraldus Lilius teste Engelgrav. emblem. 45. p. 2. veram amicitiam hâc depinxit figurâ: stebat juvenis tecto capite, tunica rudi indutus, in sua fimbria depictum deferens: *vita & mors.* In fronte: *aetas & hyems.* Erat ei latus apertum, digitusque cordi intentus cum hoc epigraphe: *longè & propè.* Præsignabat ergo flos juventutis, amicitiam semper florentem. Nudum caput, amici bonum ab amico semper querendum. Rudit tunica laborum tolerantiam. *Mors & vita societatem, nullô casu interrumpendam.* Aetas & hyems prospera & adversa. Latus apertum candorem animi, Cor patens sincerum affectum amoremque. Longè & propè constantiam ubique locorum servatam. Verum amicum se probaverat Archangelus Raphaël juvenis speciem indutus: nec enim unicō momentō liquit latus junioris Tobiæ; sed quem sanum duxrat paterna è domo, hunc sanum quoque reduxit, à milienis conservatum periculis, & di-

D d d

viti

viti uxori conjunctum. Veras amicas se probaverant mulieres illæ, quæ emerant aromata, ut venientes ungerent Jesum. Harum officia ita describit Manhantius Dom. Pascæ : *in vita continuò secute sunt affectu & obsequio* : dum exivit bajulans crucem, & dum ipse vestigia sua sanguine respergeret, ille eadem respergebant lacrymis. Adstabant Crucifixo confixa ei corde. Noctes quoque sequentes egerant vigiles ad amorem & dolorem. Venerunt ad monumentum, ut ei, quem viventem dilexerant, etiam mortuo humanitatis studiò obsequantur. Illas sanè nec tenebræ, nec militum custodia, nec lapis monumentum contegens se junxerat à Dilecto. Est quidem modernis Christianorum temporibüs frequentius nihil, quam amici Nomenclatura. Vox ista legitur in litteris, resonat in congressibus, auditur in compitis, crepat in saltibus, bibitur in epulis. Sed nomen nudum sine omni, etiam usurpatum ab illis, qui juratos illorum hostes se comprobant, quos tali nomine compellant: ut olim suô docuit exemplò Tryphon, fictæ amicitiæ vinculis Jonatham constraingens, & vincitum trahens in Ptolomaida, ubi clausis post tergum portis eum comprehendit, & cæsis omnibus, quos secum habebat sociis, captivum retinuit v. 49. capit. citati. Talem amicum Christus in Juda proditore expertus est, amoris osculum non alia de causa infligente, quam ut dolō captum Judæorum manibus traderet in prædam. Non disparem amicitiam universo demonstravit Orbi mere-trix Babylonica, quæ scyphum aureum in manu deferre visa est, ut dulcι hoc venenō omnium corda corrumperet, fallaciis sibi attracta. Tot ergo falsæ amicitiæ exemplis deterritus Lector Christiane, illius solum amicitiam quære, qui solus animam suam dedit pro amicis suis. Non invenietis, inquit Thomas Kemp. p. 3. Serm. 2. ad Novit. fideliores amicos & potentiores in Cœlo, quam Jesum Regem Angelorum, & Mariam Dominam nostram Reginam Angelorum.

Cerne porrò insigne fraternali amoris fidelisque amicitiæ à Simone datum specimen, qui etsi nosset: Tryphonem non fore dimissum Jonatham pro pecuniis, & filiis ejus obsidum loco accipiendis; eos tamen transmisit Scripturā teste cap. 13. v. 17. facturus ex parte sua, quod fraternus sincerusque exigebat amor, qui extrema tentare jubet, licet irrito conatu laboreque nonnumquam desudetur. O quam econtra exiguis quandoque pecuniis è Barbarorum dirissimâ servitute liberari possent Christiani fratres nostri; sed quam paucos reperire, qui veros amicos se illis exhibeant? quot inter flaminas pur-

purgantes animæ die noctuque clamant: miseremini mei saltem vos amici
mei! quibus redimendis parvæ eleemosinæ, breves orationes, pauca
mortificationis opera sufficerent: & tamen hæc ipsa eis denegantur.

Doctrina 2.

*Desumpta ex cap. 14. lib. I. Machabaeorum, in quo describuntur Pax & re-
quies Judæorum sub Simone obtenta, sœdus cum Romanis & Spartaniis
renovatum.*

Considera: **P**acem & requiem, quam Judæi post varia belli tempo- N.425.
ra tandem sub Simone obtinuerant, figuram esse Pa-
cis & Quietis illius, quā Electi post exaltata vitæ hujus prælia sub Du-
ce Christo erunt æternū fructuri, tunc unusquisque (ut hīc asserit S.
Scriptura v. 12. & 13. capit. cit. sedebit sub vite sua & sub fidelia sua, &
non erit, qui eos terreat. S. Augustinus hanc Pacem & Requiem exactius
perpendens exclamat in manuali: ò Vita vitalis! vita sempiterne beata!
ubi gaudium sine mero, requies sine labore, Dignitas sine tremore, opes sine
amissione, sanitas sine languore, abundantia sine defectione, vita sine morte per-
petuitas sine corruptione, Beatitudo sine calamitate. Regius Propheta men-
tis oculō intuitus hunc Pacis & quietis æternæ statum, etiam in ipso
tantum atrio possidendum, proficitur plus solidæ dulcedinis afferre
unā die, quam quidquid collectim sumptum mundus mille annis affer-
re posset. Melior est dies una in atrio tuis, super millia Psal. 83. Dives ille
inter obscurissimas Tartari umbras & acutissimas sedens flamas,
tantam crediderat virtutem inesse uni digito, aquis cœlestibūs tineto,
ut sufficeret: omni siti & tormentis ejus extinguedis. Dominus
ille Evangelicus peregrè profectus, postquam Domum rediit, pro-
meritis servos suos remuneratus, non est auditus dicere posse gau-
dium Domini tui, aut fruere gaudiō Domini tui; sed intra in gaudium Domini
tui. Erat gaudium isthoc typus Beatitudinis æternæ, quæ cùm ob-
immensitatem suam à nemine hominum possit concludi, & com-
prehendi, necesse est: ut eam Beatus ingrediatur absorbendus ab ea
sicut guttula ab Oceano penè infinito. Ita absorptus legitur ille
miles speculō exempl. 13. v. cœlest. Glor. qui à defuncto socio ad
solemnē epulas (cœlestium fæcularum tantummodo umbras) in-
vitatus: cùm ultimo etiamnū cibo adfuisset, redire ad suos jussus,
invenit Monasterium loco domūs, de qua prius exierat, exstructum
sicque

D d d 2